

Danmark Baptist Khrihfa bupi

Danmark Baptist Khrihfa bupi sinin Khrihfabu thar hna sinah theihternak

Khrihfabu sin thawngthanh: Baptist Bupi (Baptistkirken i Danmark) nih Khrihfabu dihlak hna sinah, e-mail in zarh khat voi khat si lo ah a herh ning in thawngthanh le cakuat nak a ngeih. Bu khat ah minung pathum nih mah cakuat cu hmuh cio khawh asi. Cu ruangah mah cakuat hmutu hna ding i an min le e-mail hna kha Gitte Elleby sinah (info@baptist.dk ah) kuat khawh a si. Thawngthanh cakuat hna cu Baptist website www.baptistkirken.dk zongah relkhawh le zohkhawh asi.

Thawngthar cakuat: Baptist bupi thawngthar cakuat cu a duhmi sin poh ah cacawn nithum ni fate ah kuat cio an si. A cung website ahkhan cakuat hmuh duh ah cun min si lo ah e-mail i pek khawh asi.

Min le umnak: Min hna, umnak hmunhma hna le a dang theihtlei mi, hruiatu upa tibantuk hna cu Baptist chungtel hna i an kutput cauk chungah tial an si, cun mah cauk chung um theihternak hna cheukhat cu website chung zongah hmuh khawh le relkhawh asi. Mah theihtlei hna cu Gitte Elleby sinah kuat a si lai. Hi kongah fiang deuh in theih na duh ah cun Gitte sinah hal khawh asi.

Baptist casual: Khrihfabu chungtel a si mi poh nih mah casual (baptist.dk) hmuh le rel ve nan duh ah cun nan um nak address kha Gitte sinah thawngthanh u law a mah nih nan postbox ah a van in kuat hna lai. Hi casual hmuh duh zat kha Khrihfabu nih nan member hna cio caah nan tawlrel piak khawh hna. Cun mitcaw mi hna caah a aw(cd) in ngeih khawh asi. Mah kongah theihdeuh na duh ahcun cazi, Gitte sinah thawngthal khawh asi. Mah casual hi a lak te in hmuh khawh asi. Cun hi casual chuahnak ah phaisa thazang in tel ve na duh ah cun lunglawm te in kan in co hlan fawn.

Chungtel cauk ‘Khriahfabu chungtel sinak’: Chungtel cauk chuah cia adih lio te asi, tukum 2012 dongh lei ah chuah than ding in timh tuah lio pi asi. Khi tik ah cah khawh asi te lai.

Tipil innak catlap: Postkort bantuk a si i Khrihfa bu tami hna nih an chungtel hna i tipil in ni can a phak tik ah chawnhbiak nak caah hman mi asi. Kum khat voi khat mah kort cu ser a si i civui(missionsstævnet) ah phawt cio asi. Khrihfabu sin thawngthanh ah a cah ning kong nan hmuh lai. A man bu nih liam asi.

Pumh caan hna: Khriahfa bu hna nih pumh caan, hmuhhma le thawngtha chimtu hna cu thawngthar cakuat le website ah thawngthanh piak a duh mi poh nih Gitte sinah tuankan tein, zarth tam deuh ca in thawngthanh khawh asi.

Phaisa kong: Danmark Baptist bupi chungtel Khrihfabu dihlak nih an hmuhmi dihlak chung in 7,5% kha Bupi sinah thawh asi. Thla fatin asi lo le thla thum voikhat in hmuhmi dihlak chungin tuak i kuat a si. Mah lengah Khrihfabu hna nih bupi nih a ngeih mi mission riantuannak (missionsprojekt) hna zong ah itel ve khawh asi. Mah mission riantuannak hna kong cu bupi website ah hmuhkhawh le relkhawh asi.

Peknak cabawm: A hlei in peknak ca i tuah mi cabawm cu kumhnih voikhat ca in cah le chuah piak a si, i zat lo a si ahcun cabawm sawhsawh hman khawh a si. 2013 lawng ah cah than khawh asi lai.

Civui(missionstævne): Mah civui cu ram pumpaluk Baptist bu dihlak tonnak nganpi a si, a kapkip in i hawikhawmhnak ,thazaang i peknak le i chemtonhnak in can hman asi. Siang inn khar ah tuah asi. Hngakchia, mino, upa mah le kum he a tlak ning cio in cawlcangnak a um.

Ram pumpi meeting 1&2(landskonference): Mah tonnak i biachah mi hi bupi hruainak ah nawlgeihnak a sangbik a si. Mah tonnak hna ahhin Baptist bupi pawlkomhnak le riantuan ti nak ding sullam hna cu cheih le khaan an si. Tonnak 1 nak cu civui pi ah tuah asi , cun tonnak 2 nak cu furtlak lai/efteråret, ni nikhat ah tuah asi. Tonnak ah bu khat in minung pa 3 cio le bupi hruaituhna le riankhanhmi hna nih (vote) biachah pinak an ngei. Mah tonnak chuah hi BiD bupi riantuannak le hawidang bu ah zeidah a cang ti theihnak ah a biapi ngaingai.

Thialnak kong he pehtlaiin: Bupi website www.baptistkirken.dk chung i værktøjskassen/blanketter timi ah ”(flyttebevis/thialnak ca)” na hmuh lai. Budang ithial tikah, a thialnak bu thar nih a chuaknak bu sinah mah thialnak ca kha a kuat lai i cu hnuah lawng ah chungtel si nak khan hloh a si lai.

Acunglei kong he pehtlai in bomh le theihdeuh na duh ah cun BiD - Integration committee Finn Gunther (Chairman) sinah thawngthanh le hal khawh a si.